


NË GJUHË TË LEHTË PËR T'U
KUPTUAR

SI TA PËRDORIM BANKOMATIN

UDHËRRËFYES



Falënderojmë anëtarët e Shoqatës "**Klubi Dëshira**" nga Prishtina për kontributin e tyre

Ky udhëzues është kontrolluar për kuptueshmëri nga:

Lumnije Demolli
Driton Krasniqi
Hasan Krasniqi
Qëndrim Jashari
Blerta Krasniqi
Qëndresa Krasniqi
Shefqet Sinani
Sokol Hamiti



© European Easy-to-Read Logo: Inclusion Europe.


Për më shumë informacion, vizitoni:
www.inclusion-europe.eu/easy-to-read

"Në gjuhë të lehtë për t'u kuptuar" do të thotë që teksti është i qartë dhe i kuptueshëm për të gjithë, pavarësisht nga aftësitë mendore apo pengesat e tjera në të kuptuar.

Çfarë shërben kartela bankare?



Në bankë ke një llogari për paratë.
Paratë në këtë llogari janë të sigurta.
Banka shërben për ruajtjen e parave,
tërheqjen e tyre dhe për kursim.



Duhet të kesh një llogari në bankë që të
marrësh kartelën bankare.
Kartela bankare është e lidhur me llogarinë
tënde në bankë.



Kartela bankare është plastike.
Secila kartelë bankare ka pamje të ndryshme.
Kartelën bankare e përdor për të paguar në
dyqan.



Me kartelën bankare mund të marrësh para
nga banka.

Kjo quhet **tërheqje parash**.

Tërheqja e parave do të thotë që ti merr
paratë që ke në bankë

Çfarë do të thotë kodi PIN?



Karta bankare ka një fjalëkalim të fshehtë.

Fjalëkalimi quhet PIN kod.

Banka të jep kodin PIN.

Mos ia thuaj askujt.

Kodi PIN është sekret i yti.

3215

Kodi PIN ka katër numra.

Mos harro kodin tënd PIN.



Mos shkruaj kodin PIN në kartelë.

Mos shkruaj kodin PIN në telefon.

Mos e mbaj kodin PIN të shkruar në kuletë.

Nëse e harron kodin PIN,

shko në bankë për kodin e ri.



Nëse dikush ka kodin tënd PIN,

shko në bankë dhe kërko kod të ri..

Çfarë është bankomati?



Bankomati është për të marrë para.

Kjo është pamja e bankomatit.

Nga bankomati mund të tërheqësh aq para sa ke në llogarinë tënde.



Për të nxjerrë para nga bankomati, duhet të kesh kartelë bankare.

Pa kartelë bankare, nuk mund të marrësh para nga bankomati.

Ku mund të gjesh bankomatin?

- Përpara bankës
- Brenda bankës
- Në qendër tregtare
- Diku në qytet.



Pse janë të dobishëm bankomatet?

- Nuk ke nevojë të shkosh në bankë
- Nuk ke nevojë të presësh në radhë
- Punojnë çdo ditë
- Punojnë edhe natën
- Punojnë edhe gjatë festave

Pjesët e bankomatit

Këtu futet karta.



Butonat që shtypen.

Shtyp kodin PIN te këta butona.

Paratë dalin këtu



- Bankomatët nuk janë të gjithë njësoj.
- Do të dish si ta përdorësh edhe kur është ndryshe.
- Mos u frikëso!

Nxjerrja e parave nga bankomati



Çdo bankë ka bankomatet e veta.
Emri i bankës shkruhet në bankomat.
Bankomati tregon se cilës bankë i përket.

Gjithmonë përdor bankomatin e bankës
tënde.

Nëse përdor bankomatin e bankës tjetër, do
paguash tarifë shtesë.



Nga bankomati nuk mund të nxjerrësh para
nëse:

- Nuk ke para në llogari.
- Bankomati nuk ka para.
- Bankomati është prishur.

Për të marrë para:

- Shko te bankomati.
- Qëndro përpara bankomatit.
- Gjej vendin në bankomat ku futet karta bankare.
- Fut kartën ashtu siç tregohet në foto (me anën e shtrirë ose me shenjat lart).



Nxjerrja e parave nga bankomati



Shtyp në ekran ku shkruan "Gjuha Shqip".
Gjuha shqipe mund të shfaqet me flamurin e Shqipërisë.



Flamuri i Kosovës duket kështu.
Shtyp në vendin ku është flamuri i Shqipërisë.

Në ekran do të shkruajë të futësh kodin PIN.
Kodi PIN është një fjalëkalim sekret për ty.



Askush nuk duhet të shohë numrat që shkruan.

Kur shkruan numrat, mbulo tastierën me dorën tjetër.



Shtyp numrat në tastierë për të vendosur kodin PIN.

Gjej dhe shtyp butonin "Prano".

Butoni "Prano" ka ngjyrë të gjelbër.

Nxjerrja e parave nga bankomati



Merr paratë nga vendi ku dalin.

Prit derisa të dalë kartela nga bankomati.

Merr shpejt kartelën bankare.



Nëse nuk e merr kartelën bankare,
bankomati do ta tërheqë brenda kartelën.

Bankomati tërheq kartelën
që askush mos ta vjedhë.



Kur merr paratë dhe kartelën,
mund të largohesh nga bankomati

Nëse bankomati të tërheq kartelën,
duhet të shkosh në bankë.

Nxjerrja e parave nga bankomati



Merr me vete kartën e identitetit kur shkon në bankë.

Shpjego punonjësit në bankë se çfarë ndodhi.



Kërko nga punonjësi i bankës që të të kthejë kartelën bankare.

Punonjësi i bankës do ta kthejë kartelën bankare.

Nxjerrja e parave nga bankomati



Nëse do të marrësh para nga bankomati, shtyp butonin “Nxjerrje para”. Ndonjëherë mund të shkruhet edhe “Tërheqje”.

Në ekran mund të shfaqen këto numra:

- 10
- 20
- 50
- 100
- 200

Shtyp butonin me shumën që dëshiron të marrësh.



Nëse do më shumë ose më pak para, shtyp butonin “Shumë tjetër”.

Shtyp butonin dhe shkruaj sa para dëshiron të marrësh.

Pastaj shtyp butonin “Prano” ose “Vazhdo”.

Gjithmonë mund të ndalosh marrjen e parave.

Shtyp butonin “Anulo” për të ndaluar marrjen..





Për të përmirësuar punën, ju lutemi vlerësoni tekstin.
Këtë mund ta bëni duke skanuar kodin QR ose
nëpërmjet lidhjes:

<https://forms.gle/qNbXxNhhXtiRCxh9>



**CARITAS
KOSOVA**

Përgatitur: Caritas Kosova www.caritaskosova.org /
383 (0) 290 328 110 info@caritaskosova.org
Adresa: Rr. Shën Nënë Tereza Nr. 3/Kisha Katolike
70000 Ferizaj, Kosovë